



Ioannes Baptista ex nobili familia Pachlebiōrū patre Andrea prætore Viennense natus est. Is à pueris optimis literis incubuit, & ijs perceptis Iurisprudentiæ operam dedit. Itaq; factum ut Legū Doctor omnium applausu creatus fuerit. Ad hanc eruditionem adiungebat & uitæ integritatem, & magnam animi prudentiam. Id cum Ferdinandus rex intellexisset, ipsum non modò ad consilia ascit, sed maximo insuper munere Fiscii aduocati, in his quæ Austriæ ditionem contingunt, rebus maximis & grauissimis insignito, usus fuit. Itaq; Ioannes Baptista anno circiter 1545 & deinceps hoc officio egregiè functo, principē pium aduersus querulantes prouinciales pro more defendit, atque ut suum cuique tribueretur, magna gloria curauit. Hinc factum ut & regi & eius subditis ob uirtutes longè gratissimus extiterit. Vu. Lazius lib. 3. rerum Viennensium.